

Na osnovu tačke IV. Odluke o usvajanju Programa utroška sredstava kapitalnih transfera sa ekonomskog koda 615100 - Kapitalni transferi drugim nivoima vlasti i fondovima – Kapitalni transferi općinama i gradovima, utvrđenih Budžetom Federacije Bosne i Hercegovine za 2025. godinu Federalnom ministarstvu razvoja, poduzetništva i obrta, na osnovu tačke IV. Odluke o usvajanju Programa utroška sredstava tekućih transfera sa ekonomskog koda 614300 - Tekući transferi neprofitnim organizacijama – Udruženjima građana, privredna komora FBiH, obrtničke komore FBiH i kantona i obrazovne institucije, utvrđenih Budžetom Federacije Bosne i Hercegovine za 2025. godinu Federalnom ministarstvu razvoja, poduzetništva i obrta, kao i na osnovu tačke IV. Odluke o usvajanju Programa utroška sredstava tekućih transfera sa ekonomskog koda 614500 - Subvencije privatnim preduzećima i poduzetnicima, utvrđenih Budžetom Federacije Bosne i Hercegovine za 2025. godinu Federalnom ministarstvu razvoja, poduzetništva i obrta („Službene novine Federacije BiH“, broj: 20/25), člana 5. Pravilnika o postupcima u provođenju Programa poticaja za razvoj poduzetničke infrastrukture u Federaciji Bosne i Hercegovine ("Službene novine Federacije BiH", broj 104/24), i člana 5. Pravilnika o postupcima u provođenju Programa poticaja za razvoj male privrede u Federaciji Bosne i Hercegovine ("Službene novine Federacije BiH", broj 104/24), Federalno ministarstvo razvoja, poduzetništva i obrta raspisuje

## **JAVNI KONKURS ZA ODABIR KORISNIKA GRANT SREDSTAVA KAPITALNIH I TEKUĆIH TRANSFERA ZA 2025. GODINU**

### **I. PREDMET JAVNOG KONKURSA**

Predmet Javnog konkursa je prikupljanje prijave za odabir korisnika grant sredstava Kapitalnih i Tekućih transfera, utvrđenih u razdjelu 50. Budžeta Federacije Bosne i Hercegovine za 2025. godinu Federalnom ministarstvu razvoja, poduzetništva i obrta (u daljem tekstu: Ministarstvo) („Službene novine Federacije BiH“, broj 7/25).

### **II. NAZIVI PROJEKATA, SVRHA, KRITERIJI I KORISNICI SREDSTAVA**

Grant sredstva će se dodjeljivati po sljedećim projektima:

#### **PROJEKAT BR. 1: Izgradnja poduzetničkih zona**

Ukupna vrijednost raspoloživih sredstava za ovaj projekat je 5.000.000,00 KM.

#### **Svrha projekta**

Izgradnja nove i unapređenje postojeće energetske, komunalne, saobraćajne i komunikacijske infrastrukture, tamo gdje nedostatak iste predstavlja prepreku razvoju poduzetništva u poduzetničkim zonama Federacije Bosne i Hercegovine, kao i uspostava/unapređenje usluga za razvoj poduzetništva unutar poduzetničke zone kao faktora za ekonomski rast na lokalnom nivou.

#### **Kriteriji za raspodjelu sredstava**

Kvalitet projekta, iznos sufinansiranja, nivo razvijenosti zone, ravnomjerniji regionalni razvoj (stepen razvijenosti JLS), namjena ulaganja sredstava, poticaji od Ministarstva u zadnjih pet (5) godina.

*Bodovanje po kriterijima je detaljnije navedeno u Smjernicama za podnosiocima prijave koje su sastavni dio aplikacionog paketa i biti će objavljena uz Javni konkurs.*

**Kategorija korisnika sredstava**

*Općine i gradovi u Federaciji Bosne i Hercegovine.*

**PROJEKAT BR. 2: Unapređenje institucijske poduzetničke infrastrukture**

*Ukupna vrijednost raspoloživih sredstava za ovaj projekat je 350.000,00 KM.*

**Svrha projekta**

*Na temelju identifikovanih potreba, jedna od ključnih projektnih aktivnosti fokusirana je na razvoj poduzetništva kroz, između ostalog, unapređenje i jačanje sistema poslovne podrške u Federaciji Bosni i Hercegovini*

*Cilj jeste unaprijediti razvoj poduzetničkih potpornih institucija i tehnološko-poduzetnički centara definisanih Zakonom o poduzetničkoj infrastrukturi u Federaciji Bosne i Hercegovine (Službene novine Federacije BiH, broj: 41/24), kao i potaknuti kvalifikovane pružaoce usluga poslovne podrške na teritoriji Federacije BiH za uspostavljanje novih i/ili unapređenje postojećih linija poslovne podrške.*

**Kriteriji za raspodjelu sredstava**

*Kvalitet projekta, iznos sufinansiranja, broj zaposlenih, ravnomjerniji regionalni razvoj (Stepen razvijenosti JLS), Poticaji od Ministarstva u posljednjih 5 godina.*

*Bodovanje po kriterijima je detaljnije navedeno u Smjernicama za podnosiocima projektnih prijave koje su sastavni dio aplikacionog paketa i biti će objavljena uz Javni konkurs.*

**Kategorija korisnika sredstava**

*Korisnici sredstava mogu biti poduzetničke potporne institucije i tehnološko-poduzetnički centri definisani Zakonom o poduzetničkoj infrastrukturi u Federaciji Bosne i Hercegovine (Službene novine Federacije BiH, broj: 41/24), s područja Federacije BiH koji su registrovani najkasnije do 31.12.2023. godine i imaju minimalno tri (3) stalno zaposlenih radnika.*

**PROJEKAT BR. 3: Poticaj za organizovanje sajmova privrede**

*Ukupna vrijednost raspoloživih sredstava za ovaj projekat je 350.000,00 KM.*

**Svrha projekta:**

*Podrška organizaciji najznačajnijih sajmova privrede u Federaciji BiH koji svojim sadržajima promovišu i potiču razvoj poduzetništva i obrta u Federaciji BiH.*

**Kriteriji za izbor projekta:**

*Iznos sufinansiranja, broj izlagača, tradicija održavanja sajma.*

*Bodovanje po kriterijima je detaljnije navedeno u Smjernicama za podnosiocima projektnih prijave koje su sastavni dio aplikacionog paketa i biti će objavljena uz Javni konkurs.*

**Korisnici sredstava:**

*Korisnici sredstava mogu biti organizatori sajmova privrede, s područja Federacije BiH, koji imaju minimalno jednog (1) stalno zaposlenog.*

**PROJEKAT BR. 4: Jačanje konkurentnosti MSP**

*Ukupna vrijednost raspoloživih sredstava za ovaj projekat je 18.000.000,00 KM*

**Svrha projekta**

*Jačanje konkurentnosti i poticanje rasta inovativnih i izvozu usmjerenih MSP-a kroz tehnološku modernizaciju poslovnih procesa, uvođenje standarda kvalitete, cirkularne*

ekonomije i poboljšanje energijske efikasnosti u skladu s tranzicijom ka zelenoj i digitalnoj ekonomiji.

### **Kriteriji za raspodjelu sredstava**

Kvalitet projekta, iznos sufinansiranja, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji od Ministarstva u posljednjih pet (5) godina, vrsta djelatnosti s aspekta stepena finalizacije proizvoda, namjena ulaganja sredstava.

### **Kategorija korisnika sredstava**

Subjenti male privrede definisani po Zakonu o poticanju razvoja male privrede i registrovani po Zakonu o privrednim društvima, koji imaju sjedište na području Federacije Bosne i Hercegovine, registrovani najkasnije do 31.12.2023. godine, koji su u sistemu PDV-a, imaju iskazano pozitivno poslovanje u 2024. godini, imaju najmanje 5 (pet) zaposlenih na neodređeno vrijeme, te će povećati zaposlenost minimalno za jednog radnika tokom realizacije projekata i čija je osnovna djelatnost (ili djelatnost poslovnih jedinica ukoliko subjekt aplicira sa poslovnom jedinicom) iz Klasifikacije djelatnosti Bosne i Hercegovine – KD BiH 2010 („Službeni glasnik BiH”, broj 47/10):

- „područje C – Prerađivačka industrija“ osim djelatnosti proizvodnje žestokih alkoholnih pića, duhanskih proizvoda i namjenske proizvodnje;
- „područje E - Snadbijevanje vodom, uklanjanje otpadnih voda, upravljanje otpadom te djelatnosti sanacije okoliša,,

Izbor korisnika vršit će se isključivo na temelju šifre djelatnosti iz Obavijesti o razvrstavanju poslovnog subjekta prema djelatnosti koju izdaje Federalni zavod za statistiku.

Korisnici poticajnih grant sredstava Ministarstva u 2024. godini mogu koristiti sredstva ovog projekta pod uslovom da su opravdali sredstva iz prethodne godine i dodatno ojačali svoju konkurentnost kroz sljedeće mjerljive pokazatelje (kumulativno):

- da su povećali prihode iz ugovora s kupcima u 2024. godini minimalno 20% u odnosu na ostvareni prihod iz ugovora s kupcima iz 2023. godine,
- da su povećali zaposlenost (poredi se broj zaposlenih sa dostavljene Liste osiguranih lica u odnosu na istu dostavljenu tokom javnog konkursa u 2024. godini):
  - minimalno 30% za privredna društva od 5 do 9 zaposlenih
  - minimalno 20% za privredna društva od 10 do 49 zaposlenih
  - minimalno 10% za privredna društva od 50 do 249 zaposlenih

### **PROJEKAT BR. 5: Razvoj start-up ekosistema**

Ukupna vrijednost raspoloživih sredstava za ovaj projekat je 1.200.000,00 KM

#### **Svrha projekta**

Uspostava i operativno vođenje akceleratorškog programa u skladu s globalno priznatim standardima, te jačanje start-up ekosistema kroz partnersku saradnju s međunarodnim mentorima, investitorima i institucijama.

Vlada Federacije BiH planira sufinansirati projekat putem plaćanje licence za najmanje tri godine održavanja međunarodno priznatog akceleratorškog programa, pri čemu zadržava pravo vlasništva nad licencom.

#### **Kriteriji za raspodjelu sredstava**

Kvalitet projekta, iznos sufinansiranja, nivo saradnje sa međunarodno priznatim prihvatljivim akceleratorškim programom, poticaji Ministarstva u posljednjih 5 godina.

### **Kategorija korisnika sredstava**

Subjekti male privrede definisani po Zakonu o poticanju razvoja male privrede, koji imaju sjedište na području Federacije Bosne i Hercegovine, imaju najmanje 50 (pedeset) zaposlenih na neodređeno vrijeme i imaju mogućnost povezivanja sa međunarodnim mentorima, investitorima i akceleratorima.

### **PROJEKAT BR. 6: Podrška MSP u IT sektoru**

Ukupna vrijednost raspoloživih sredstava za ovaj projekat je 800.000,00 KM

#### **Svrha projekta**

Tehnološko unaprjeđenje MSP i unaprjeđenje kvaliteta proizvoda kroz nabavku nove opreme, integraciju AI alata i optimizaciju radnih procesa, sufinansiranje novih zapošljavanja IT struke.

#### **Kriteriji za raspodjelu sredstava**

Kvalitet projekta, iznos sufinansiranja, pripadnost ciljnoj skupini, ravnomjerniji regionalni razvoj (stepen razvijenosti JLS), namjena ulaganja sredstava.

### **Kategorija korisnika sredstava**

Subjekti male privrede definisani po Zakonu o poticanju razvoja male privrede i registrovani po Zakonu o privrednim društvima, koji imaju sjedište na području Federacije Bosne i Hercegovine, registrovani najkasnije do 31.12.2023. godine, koji su u sistemu PDV-a, imaju iskazano pozitivno poslovanje u 2024. godini, imaju najmanje 5 (pet) zaposlenih na neodređeno vrijeme, te će povećati zaposlenost minimalno za jednog radnika tokom realizacije projekata i čija je osnovna djelatnost (ili djelatnost poslovnih jedinica ukoliko subjekt aplicira sa poslovnom jedinicom) iz Klasifikacije djelatnosti Bosne i Hercegovine – KD BiH 2010 („Službeni glasnik BiH”, broj 47/10):

- „područje J, oblast 62 – Računarsko programiranje, savjetovanje i djelatnosti povezane sa njima

Izbor korisnika vršit će se isključivo na temelju šifre djelatnosti iz Obavijesti o razvrstavanju poslovnog subjekta prema djelatnosti koju izdaje Federalni zavod za statistiku.

Korisnici poticajnih grant sredstava Ministarstva u 2024. godini ne mogu koristiti sredstva ovog projekta.

### **PROJEKAT BR. 7: Poticaj za razvoj obrta i srodnih djelatnosti**

Ukupna vrijednost raspoloživih sredstava za ovaj projekat je 1.000.000,00 KM.

#### **Svrha projekta**

Poticanje razvoja obrta i srodnih djelatnosti kroz sufinansiranje troškova nabavke opreme potrebne za proširenje i osavremenjivanje poslovanja, kao i pružanje mentoring usluga s ciljem unapređenja obrtništva odnosno povećanja kvaliteta proizvoda i rasta zaposlenosti.

#### **Kriteriji za raspodjelu sredstava**

Iznos sufinansiranja, vrsta djelatnosti s aspekta stepena finalizacije proizvoda, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

### **Kategorija korisnika sredstava**

Obrtnici koji su registrovani u skladu sa Zakonom o obrtu i srodnim djelatnostima u Federaciji Bosne i Hercegovine iz sljedećih područja Klasifikacije djelatnosti Bosne i Hercegovine – KD BiH 2010:

- „područje C – Prerađivačka industrija“ osim djelatnosti proizvodnje žestokih alkoholnih pića, duhanskih proizvoda i namjenske proizvodnje;
- „područje J, oblast 62 – Računarsko programiranje, savjetovanje i djelatnosti povezane sa njima.

Svi korisnici sredstava moraju imati sjedište na području Federacije Bosne i Hercegovine, registrovani najkasnije do 31.12.2023. godine, te imati najmanje 1 (jednog) zaposlenog na neodređeno vrijeme.

Korisnici poticajnih grant sredstava Ministarstva u 2024. godini ne mogu koristiti sredstva ovog projekta.

### **PROJEKAT BR. 8: Poticaj novoosnovanim subjektima male privrede**

Ukupna vrijednost raspoloživih sredstava za ovaj projekat je 1.000.000,00 KM.

#### **Svrha projekta**

Održavanje pozitivnog trenda poduzetničke aktivnosti s aspekta povećanja broja novoosnovanih subjekata male privrede. Kroz projekt će se realizovati subvencioniranje troškova nabavke opreme potrebne za proširenje i osavremenjivanje poslovanja, kao i pružanje mentoring usluga s ciljem povećanja kvaliteta proizvoda i rasta zaposlenosti.

#### **Kriteriji za raspodjelu sredstava**

Iznos sufinansiranja, vrsta djelatnosti, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS).

#### **Kategorija korisnika sredstava**

Subjekti male privrede definisani po Zakonu o poticanju razvoja male privrede i registrovani po Zakonu o privrednim društvima i Zakonu o obrtu i srodnim djelatnostima, koji imaju sjedište na području Federacije Bosne i Hercegovine, te imaju najmanje 1 (jednog) zaposlenog na neodređeno vrijeme, a registrovani su poslije **15.05.2024. godine**.

Nisu prihvatljive prijave subjekata male privrede koji imaju registrovanu osnovnu djelatnost u oblasti namjenske industrije, proizvodnje žestokih alkoholnih pića, proizvodnje i prerade duhana, djelatnosti iz oblasti trgovine na malo i veliko, ugostiteljstva, turizma, poljoprivrede i igara na sreću.

### **III. PRAVO SUDJELOVANJA**

Korisnici poticajnih sredstava koji do završetka ovog javnog konkursa nisu izvršili svoje ranije preuzete obaveze po osnovu korištenja poticajnih sredstava ovog Ministarstva nemaju pravo sudjelovanja u ovom javnom konkursu.

Podnosioci prijave mogu podnijeti prijavu samo po jednom projektu iz ovog javnog konkursa. U slučaju više prijave istog podnosioca po istom ili različitim projektima sve prijave će biti odbačene i neće biti predmet daljeg razmatranja.

### **IV. SADRŽAJ PRIJAVE ZA SUDJELOVANJE U JAVNOM KONKURSU**

Podnosioci prijave pripremaju prijave u skladu sa Smjernicama za podnosiocima prijave, koje se kao i sva ostala potrebna dokumentacija mogu preuzeti na internet stranici Ministarstva [www.fmrpo.gov.ba](http://www.fmrpo.gov.ba)

### **V. EVALUACIJA I ODABIR KORISNIKA**

Evaluacija i odabir korisnika će se vršiti u skladu sa kriterijima i procedurom utvrđenim Smjernicama za podnosiocima prijave.

*Nakon obrade prispjelih prijava Ministarstvo će objaviti rezultate Javnog konkursa u „Službenim novinama Federacije BiH” i na internet stranici Ministarstva.*

#### **VI. NAČIN PODNOŠENJA PRIJAVE**

*Svu neophodnu dokumentaciju navedenu u Smjernicama za podnosiocima prijave potrebno je dostaviti putem online platforme <https://javnipozivi.fmrpo.gov.ba>.*

*Prijave podnesene putem pošte neće se uzeti u razmatranje.*

*Krajnji rok za podnošenje projektnih prijedloga za navedene projekte je **11.04.2025. godine (petak), do 17:00**, osim za projekat pod rednim brojem 5. „Razvoj start-up ekosistema“ što je definisano smjernicama. Nakon isteka predviđenog roka, sistem će automatski blokirati mogućnost podnošenja prijave, pa se sugeriše potencijalnim korisnicima da u predviđenom roku podnesu projektnu prijavu.*

*Prijave će biti odbačene i neće biti predmet daljeg razmatranja ako:*

- nemaju sve sadržajne elemente,*
- ne ispunjavaju uslove ovog javnog konkursa.*

*U postupku ovog javnog konkursa Ministarstvo ne snosi nikakve troškove sudionicima u konkursu, te zadržava pravo da u slučaju opravdanosti poništi ovaj javni konkurs. Prispjela dokumentacija se neće vraćati.*

#### **VII. OSTALE ODREDBE**

*Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.*

*Podnosioci prijave čije se prijave odbace, mogu uložiti prigovor Ministarstvu u roku od osam dana od dana objave rezultata Javnog konkursa u „Službenim novinama Federacije BiH”, radi provjere činjenica i objektivnosti ocjene ponude.*

*Sva dodatna pitanja u vezi ovog Javnog konkursa se mogu dostaviti putem online platforme <https://javnipozivi.fmrpo.gov.ba>, kako je definisano Smjernicama za podnosiocima projektnih prijava. Odgovori na postavljena pitanja će biti objavljeni i redovno ažurirani na navedenoj platformi.*